

*Bosna i Hercegovina*  
*Federacija Bosne i Hercegovine*  
**KANTON SARAJEVO - OPĆINA ILIJAŠ**  
**JAVNA USTANOVA OSNOVNA ŠKOLA "STARI ILIJAŠ" ILIJAŠ**  
*Ul. Stari Ilijaš 20., 71380 Ilijaš*  
*Tel.033 402 300, 033 402 400,*  
*e-mail:osnovnaskolastariilijas@gmail.com*

Na osnovu člana 4. Pravilnika o radu produženog boravka Javne ustanove Osnovne škole „Stari Ilijaš“ Ilijaš, broj: 01-1-II-427/26 od 27.02.2026. godine, dana 03.04.2026. godine direktor škole raspisuje:

**O G L A S**  
**za upis učenika u produženi boravak za školsku 2026/2027. godine**

**I.**

Produženi boravak je poseban oblik odgojno-obrazovnog rada sa učenicima koji se realizira u školi i u okviru koga učenici imaju samostalan rad i niz različitih oblika slobodnih aktivnosti i zdravu ishranu u skladu sa Pravilnikom o radu produženog boravka Javne ustanove Osnovne škole „Stari Ilijaš“ Ilijaš i drugim važećim propisima. U slučaju da škola ne uspije obezbjediti ishranu učenicima, tačnije u periodu dok se ne okonča postupak javne nabavke hrane za potrebe produženog boravka, škola pruža samo uslugu boravka učenika bez ishrane.

**II.**

U produženi boravak se mogu uključiti učenici I, II, III i IV razreda organizirani u posebne ili kombinovane grupe vodeći računa o uzrastu učenika u grupi. Grupe produženog boravka mogu da budu homogene (formirane od učenika jednog odjeljenja, kao i od učenika iz odjeljenja istog razreda) i heterogene (formirane od učenika različitih odjeljenja).

Prilikom formiranja grupa učenika vodit će se računa o raspoloživim kapacitetima za smještaj učenika uz poštivanje propisanih minimuma/optimuma/maksimuma u Pedagoškim standardima i normativima za odgoj i obrazovanje u osnovnoj i srednjoj školi.

U školu kao javnu ustanovu može se upisati i učenik koji ima prebivalište na području drugog školskog područja koje ne pripada školskom području OŠ „Stari Ilijaš“, samo ukoliko postoji mogućnost (kadrovska i prostorna), pri čemu prednost za upis učenika u produženi boravak imaju učenici koji pripadaju školskom području JU OŠ „Stari Ilijaš“ Ilijaš.

Prednost prilikom formiranja grupa imaju učenici I i II razreda koji pripadaju školskom području JU OŠ „Stari Ilijaš“ Ilijaš te će škola prvenstveno svoje kapacitete popunjavati učenicima iz navedenih razreda.

**III.**

Naknada za pružanje usluga produženog boravka po učeniku iznosi 140 KM odnosno u skladu sa Odlukom Ministarstva za odgoj i obrazovanje Kantona Sarajevo.

S roditeljima učenika koji su upisani u produženi boravak JU OŠ „Stari Ilijaš“ Ilijaš, direktor škole zaključuje Ugovor o međusobnim pravima i obavezama za korištenje usluga produženog boravka kojim se detaljnije regulišu uslovi korištenja usluga produženog boravka.

**IV.**

Roditelji učenika I, II, III i IV razreda koji žele da upišu svoje dijete u produženi boravak podnose **Prijavu za upis u produženi boravak za školsku 2026/2027. godine na prijavnim obrascu online putem linka <https://forms.gle/fMtZDmbRFptHKwM76>** ili putem obrasca koji mogu preuzeti u sekretarijatu škole. **Upis se vrši od 03.04.2026. do 13.04.2026. godine.**

**V.**

Rad produženog boravka će biti organizovan od početka školske 2026/2027. godine (od 01.09.2026. godine) pa do 31.12.2026. godine kao i od početka drugog polugodišta školske 2026/2027. godine pa do 30.06.2027. godine pod uslovom da u produženi boravak bude upisan optimalan broj učenika predviđen Pedagoškim standardima i normativima za odgoj i obrazovanje u osnovnoj i srednjoj školi.

Direktor škole

Alić Adem, MA